

44 DE RESTITUENDIS DUOBUS VERS. JOS. XXI.

urbes in versibus controversis recensitas prætereas, non 48. sed tantum 44. habebis. Tribus enim Judæ, Simonis & Benjamin dederunt civitates	13. v. 4.
Tribus Ephraim, Dan & dimidia tribus Manasse dederunt	10. v. 5.
Tribus Issachar, Aser, Napthali & dimidia tribus Manasse dederunt	13. v. 6.
Denique tribus Ruben, Gad, Zabulon dederunt	12. v. 7.

Summa 48.

Singularum urbium nomina citato capite enumerantur, ut liquido constet, quas quævis tribus civitates Levitis concesserit. Nec prostat ratio, quare quatuor Rubenitarum urbes omissæ sint. Ad oculum pater, scriptorem Sacrum in mente habuisse Rubenitarum urbes, easque ter numerasse, prima vice in v. 7. ubi dixit: Rubenitas, Gaditas & Zabulonitas dedisse 11 urbes; altera vice, v. 40. ubi easdem urbes Meraritis datas repetit; tertia vice v. 44. ubi numerum omnium urbium Levitis datarum ad 48. ascendere narrat. Quis suspicetur, urbes quasdam memoriæ lapsu non esse recensitas. Quod vero tot haud vulgari eruditione insignes viri magis Judæorū traditiones, (Masora enim est traditio) quam ipsius Scriptoris verba, mentem & scopum spectaverint, inde accidisse videtur, quod præjudicio Masoræ, quam Judæi Christianorum Magistri antiquam & infallibilem crepare solebant, abrepti fuerint. Nobis vero tanta non est Masoræ autoritas, ut ipsius Sacri Scriptoris autoritati præponderet. Quare rejiciamus eas Masoræ partes, quas falsas deprehendimus, imitaturi saniores Judæos, qui vestigia Masoræ non ubique adorant, quod ex superioribus elucescit. Recipiamus versus in triste exilium detrusos, sic permanebunt Sacri Scriptoris verba integra, sensus perfectus, & urbium numerus completus, neque verendum est, ut impudentes Scripturæ hostes Scriptori sacro memoriæ lapsum imputent. Plura tollet perspicax & sedula posteritas dubia, hæcenus a multis notata, sed nondum remota, si modo sanctæ linguæ studium, quod Ecclesiæ veritatem, & Reipublicæ tranquillitatem dedit, constanter floreat, & Eruditi per aspera ejusdem

*Virg. Æn.
VII. 272.*

*Nomen in astra ferant: hoc ipsum poscere fata
Et reor, & si quid veri mens augurat, opto.*

FINIS.

Err. p. 15, loco אֲרָבִים אֲרָבִים lege אֲרָבִים אֲרָבִים.



Coll. diss. A. 1, misc 20